



Bosnia and Herzegovina  
AGENCY FOR STATISTICS OF  
BOSNIA AND HERZEGOVINA

Broj: JN1-16-4-12-7/22  
Sarajevo, 09.02.2023. godine

Na osnovu člana 69. stav (2), tačka d) i e), člana 70. stav (1), (4) i (6) Zakona o javnim nabavkama BiH ("Službeni glasnik BiH", broj 39/14 i 59/22) i Preporuke komisije za javnu nabavku broj JN1-16-4-12-16/22 od 09.02.2023. godine u postupku javne nabavke usluge servisiranja i popravke službenih vozila Agencije za statistiku BiH direktor Agencije za statistiku BiH donosi:

**ODLUKU**  
**o poništenju postupka javne nabavke**

**Član 1.**

Poništava se postupak javne nabavke usluge servisiranja i popravke službenih vozila Agencije za statistiku BiH iz razloga što nijedna od primljenih ponuda nije prihvatljiva, te što su cijene ponuda znatno veće od osiguranih sredstava Ugovornog organa za predmetnu nabavku, a u skladu sa članom 69. stav (2), tačka d) i e) Zakona o javnim nabavkama BiH ("Službeni glasnik BiH", broj 39/14 i 59/22).

**Član 2.**

Za izvršenje ove odluke zadužuje se i ovlašćuje Sektor za opće, pravne i računovodstvene poslove Agencije za Statistiku BiH.

**Član 3.**

Ova odluka objavit će se na Web stranici Agencije za statistiku BiH ([www.bhas.gov.ba](http://www.bhas.gov.ba)), istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama BiH.

**Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: JN1-16-4-12-1/22 od 26.12.2022. godine.

Javna nabavka je provedena putem konkurentskog zahtjeva za dostavu ponuda. Procijenjena vrijednost nabavke bez PDV-a je 10.256,40 KM. Obavjest o nabavci broj: 11-7-2-6-3-7/23 poslata je na objavu i objavljena na Portalu javnih nabavki dana 26.01.2023. godine.

Komisija za javnu nabavku imenovana je Rješenjem broj: JN1-16-4-12-2/22 od 26.12.2022. godine.

Komisija za javnu nabavku dostavila je dana 09.02.2023. godine Zapisnik o ocjeni i analizi pristiglih ponuda broj: JN1-16-4-12-5/22 od 09.02.2023. godine i Preporuku o

poništenju postupka javne nabavke broj: JN1-16-4-12-6/22 od 09.02.2023. godine u postupku javne nabavke usluge servisiranja i popravke službenih vozila Agencije za statistiku BiH.

U postupku po Zapisniku o ocjeni i analizi pristiglih ponuda je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda za sve lotove 1;
- da je blagovremeno zaprimljena 1 ponuda i to ponuđača: "TRIAB" d.o.o. Sarajevo;
- da nije bilo neblagovremeno zaprimljenih ponuda;
- da ponuda ponuđača "TRIAB" d.o.o. Sarajevo nije prihvatljiva iz slijedećih razloga:

Komisija je uvidom u ponudu broj: 21/23 od 04.02.2023. godine ponuđača „TRIAB“ d.o.o. Sarajevo za **uslugu servisiranja vozila u garantnom roku marke Škoda – LOT 1** konstatovala da u sklopu iste ponuđač nije dostavio minimalnu lager listu rezervnih dijelova koja bi se koristila u slučaju pojave nepredviđenog kvara i potrebe za neplaniranim rezervnim dijelom kao referentni cjenovnik dijelova za odabranog dobavljača. Navedeno je traženo u tenderskoj dokumentaciji za predmetni postupak nabavke pod tačkom 2) podtačka 2.1.

Nadalje, komisija konstatuje da ponuđena konačna cijena navedenog ponuđača za uslugu iz LOT-a 1 u iznosu od 6.622,32 KM sa PDV-om premašuje predviđena i osigurana sredstva ugovornog organa za predmetnu uslugu u iznosu od 5.000,00 KM sa PDV-om.

Na osnovu svih prethodno sagledanih činjenica komisija je zauzela stav da se ponuda ponuđača „TRIAB“ d.o.o. Sarajevo broj: 21/23 od 04.02.2023. godine za uslugu servisiranja vozila u garantnom roku marke Škoda – LOT 1 odbaci kao neprihvatljiva u skladu sa članom 68. stav (4), tačka i) i članom 69. stav (2), tačka e) ZJN BiH („Službeni glasnik BiH“, br. 39/14 i 59/22).

Komisija je dalje pristupila ocjeni i analizi ponude broj 22/23 od 04.02.2023. ponuđača „TRIAB“ d.o.o. Sarajevo za **uslugu servisiranja vozila u vangarantnom roku – LOT 2** gdje je također utvrđeno da u sklopu iste navedeni ponuđač nije dostavio minimalnu lager listu rezervnih dijelova koja bi se koristila u slučaju pojave nepredviđenog kvara i potrebe za neplaniranim rezervnim dijelom kao referentni cjenovnik dijelova za odabranog dobavljača. Navedeno je traženo u tenderskoj dokumentaciji za predmetni postupak nabavke pod tačkom 2) podtačka 2.1.

Nadalje, komisija konstatuje da ponuđena konačna cijena navedenog ponuđača za uslugu iz LOT-a 2 u iznosu od 21.370,55 KM sa PDV-om premašuje predviđena i osigurana sredstva ugovornog organa za predmetnu uslugu u iznosu od 7.000,00 KM sa PDV-om.

U postupku ocjene provedenog postupka direktorica Agencije za statistiku BiH nije našla razloge, nepravilnosti niti propuste u radu, koji bi eventualno bili osnov za neprihvatanje Preporuke komisije za nabavku.

U postupku je utvrđeno da je Komisija u svemu pravilno postupila, te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da nijedna od primljenih ponuda nije prihvatljiva, te da su cijene svih ponuda znatno veće od osiguranih sredstava Ugovornog organa za predmetnu nabavku, čime su se stekli zakonski uslovi za poništenje postupka javne nabavke.

Iz navedenih razloga, primjenom člana 69. stav (2), tačka d) i e) Zakona o javnim nabavkama, odlučeno je kao u članu 1. ove Odluke.

**Pouka o pravnom lijeku:** Protiv ove Odluke može se izjaviti žalba najkasnije u roku od 5 (pet) dana od dana prijema ove odluke. Žalba se podnosi ugovornom organu Agencija za statistiku BiH, ul. Zelenih beretki 26, 71 000 Sarajevo.

Direktorica

  
Vesna Čužić



Dostaviti: - Ponuđačima  
- Web stranica